



Na osnovu člana 2.9 stav (1) tačka 1) i 9) i člana 6.7 Izbornog zakona Bosne i Hercegovine ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22 i 67/22) i člana 18. Poslovnika Centralne izborne komisije Bosne i Hercegovine („Službeni glasnik BiH“, br. 29/18 i 25/20), Centralna izborna komisija Bosne i Hercegovine je na 66. sjednici, održanoj 20.10.2022. godine, donijela

N A R E D B U

(1) Centralna izborna komisija Bosne i Hercegovine, u cilju pravilnog objedinjavanja i utvrđivanja rezultata izbora na biračkim mjestima gdje se razlikuje broj glasačkih listića u glasačkoj kutiji, na način da ima manje glasačkih listića od broja potpisa, po službenoj dužnosti naređuje Glavnom centru za brojanje, da izvrši otvaranje vreća sa glasačkim listićima, izvrši ponovno kontrolno brojanje glasačkih listića, te utvrdi i objedini rezultate izbora sa 22 redovna biračka mjesta za nivo Predsjedništvo BiH, Parlamentarna skupština BiH, Parlament FBiH, Narodna skupština RS i Skupštine kantona, kako slijedi:

Predsjedništvo BiH 5 vreća

136A006
136A003
093A075
034B129
034B010

Parlamentarna skupština BiH 5 vreća

004A022
136A030
093A075
106A026
034B187

Parlament FBiH 8 vreća

036A004A
093A122
133A156
136A003
136A030
093A068
002A036
131A068

034B223

034B040

Skupština kantona 2 vreće

049A018A

094A047

(2) Ukoliko i nakon kontrolnog brojanja Glavni centar za brojanje ne pronade nedostajuće glasačke listiće, izvršit će uvid u vreće sa glasačkim listićima za druge nivoe datog biračkog mjesta, kako bi se utvrdilo da li je birački odbor nedostajuće glasačke listiće upakovao u neku drugu vreću. Ukoliko se u nekoj drugoj vreći pronađu nedostajući glasački listići Glavni centar za brojanje će utvrditi izborne rezultate za taj nivo sa tim glasačkim listićima.

(3) Ponovno kontrolno brojanje glasačkih listića, izvršit će se u skladu sa dinamikom koju će utvrditi direktor Glavnog centra za brojanje, u objektu „ZETRA“ u ulici Alipašina bb, Sarajevo, a o terminu početka ponovnog kontrolnog brojanja javnost će biti obavještena putem saopštenja Centralne izborne komisije Bosne i Hercegovine.

(4) Ponovno kontrolno brojanje glasačkih listića iz stava (1) i (2) ove Naredbe, izvršiti u skladu sa odredbama Pravilnika o provedbi izbora u Bosni i Hercegovini („Službeni glasnik BiH“, br. 27/22 i 66/22).

(5) Kandidati političkih subjekata i akreditirani posmatrači za biračka mjesta iz stava (1) i (2) ove Naredbe, za navedena biračka mjesta mogu biti prisutni u toku trajanja brojanja, kao i akreditirani posmatrači Glavnog centra za brojanje.

(6) Ova Naredba stupa na snagu danom donošenja i objavljuje se na internet-stranici Centralne izborne komisije Bosne i Hercegovine www.izbori.ba, i smatrat će se da je danom objavljivanja, ista dostavljena svim kandidatima političkih subjekata i nezavisnim kandidatima, kao i akreditiranim posmatračima.

O b r a z l o ž e n j e

Na osnovu izvještaja Glavnog kontrolora za obradu, unos i potvrdu rezultata glasanja za Opće izbore 2022. godine, i prijedloga Glavnog kontrolora, Centralna izborna komisija BiH je ocijenila da postoje činjenice koje opravdavaju ponovno kontrolno brojanje po političkim subjektima i kandidatima političkih subjekata, a u interesu integriteta izbornog procesa.

Na ovaj način Centralna izborna komisija BiH otklanja sumnje u nepravilnosti i kršenja u vezi sa matematičkim nelogičnostima u obrascima radi tačnog utvrđivanja rezultata izbora na ovim biračkim mjestima. Iste se odnose na nezakonito popunjavanje obrazaca, nepravilno brojanje glasačkih listića na biračkim mjestima i općinskim centrima za brojanje i na nepravilno objedinjavanje izbornih rezultata.

Shodno navedenom, Centralna izborna komisija BiH je u smislu člana 2.9 stav (1) tačka 1) i 9) i člana 6.7 Izbornog zakona Bosne i Hercegovine odlučila kao u dispozitivu ove Naredbe.

Protiv ove Naredbe nije dozvoljena posebna žalba.

Broj: 05-1-07-11-2195-10/22
Sarajevo, 20.10.2022. godine



Dostavljeno:

- Glavnom centru za brojanje
- Skladište Centralne izborne komisije BiH
- a/a